

Na osnovu člana 90. Zakona o javnim nabavkama („Službeni glasnik BiH“, br. 39/14, 59/23 i 50/24), a nakon provedenog postupka nabavke putem direktnog sporazuma za nabavku vode za piće i pružanje usluge korištenja 5 (pet) aparata za vodu, zaključen je:

U G O V O R
o isporuci vode za piće
i pružanje usluge korištenja 5 aparata za vodu

Ugovorne strane:

- 1. Bosna i Hercegovina, Vijeće ministara, Direkcija za evropske integracije, Sarajevo Đoke Mazalića broj 5, koju zastupa direktorica Elvira Habota, (u daljem tekstu: Kupac) i**
- 2. ATAL GROUP d.o.o. Sarajevo, ulica Tvornička broj 3, koju zastupa direktor Almir Hamzić (u daljem tekstu: Prodavac).**

Član 1.

(1) Predmet ovog Ugovora je sukcesivna isporuka vode za piće „Bijela Voda“ pakirane u galone od 18,9 litara (u daljem tekstu: roba), koju će Prodavac isporučivati Kupcu u skladu s odredbama ovog Ugovora, te davanje na korištenje 5 (pet) aparata za vodu i pružanje usluga sanitacije aparata za vodu, po ukupnoj cijeni ponude u iznosu od 2.855,60 KM bez PDV-a.

(2) Sastavni dio ovog Ugovora čini Ponuda Prodavca od 04.05.2026. godine, sačinjena prema sljedećem Obrascu za cijenu ponude:

R.b.	Opis nabavake	Količina	Jedinična cijena bez PDV - a	Ukupna cijena bez PDV-a
1.	Isporuka vode za piće u galonima (jedan galon = 18,9 litara)	300 galona	8,55	2.565,00
2.	Pružanje usluga sanitacije i servisiranja cooler aparata za vodu	20 sanitacija	14,53	290,60
3.	UKUPNA CIJENA BEZ PDV-a			2.855,60
4.	POPUST			0,00
5.	UKUPNA CIJENA SA POPUSTOM BEZ PDV-a			2.855,60

Član 2.

(1) Prodavac daje Kupcu na korištenje 5 (pet) aparata za vodu (water cooler), koji će biti postavljeni na adresi Kupca: ulica Đoke Mazalića broj 5, Sarajevo.

(2) Prodavac se obavezuje da će isporuku prirodne izvorske vode izvršavati prema narudžbi Kupca, u roku od najkasnije 1 (jednog) radnog dana od trenutka zaprimanja narudžbe.

(3) Kupac se obavezuje na pravilno korištenje aparata za vodu, u skladu s uputstvom za upotrebu koje se nalazi na samom aparatu.

Član 3.

(1) Kupac je dužan omogućiti i naručiti sanitaciju aparata za vodu (cooler) svakih 3 (tri) mjeseca, o čemu se vodi evidencijska kartica za svaki aparat. Prilikom izvršenja sanitacije, Kupcu se obezbjeđuje zamjenski aparat koji je higijenski i tehnički ispravan.

(2) U slučaju raskida ovog Ugovora iz bilo kojeg razloga, Kupac je dužan platiti izvršenu sanitaciju aparata, ukoliko ista nije prethodno obračunata i plaćena.

Član 4.

- (1) Prodavac može zatražiti povrat aparata za vodu (cooler) ukoliko Kupac isti ne koristi u skladu s odredbama Ugovora i priloženim uputstvom za upotrebu.
- (2) U slučaju otuđenja, uništenja ili prekomjernog oštećenja opreme za vrijeme dok se ista nalazi u posjedu Kupca, Kupac odgovara Prodavcu za naknadu štete do visine vrijednosti aparata za vodu.
- (3) Pojedinačna vrijednost aparata za vodu (water cooler) iznosi 300,00 KM bez PDV-a.
- (4) Po prestanku važenja Ugovora, Kupac je dužan vratiti Prodavcu zaduženu ambalažu u ispravnom stanju, a u suprotnom je dužan platiti iznos od 10,00 KM sa PDV-om po galonu.

Član 5.

- (1) Prodavac se obavezuje da će isporuku predmetne robe vršiti u skladu sa zahtjevima Kupca, te da će bez odlaganja postupiti po eventualnim primjedbama Kupca u pogledu nedostataka na kvalitetu isporučene robe.
- (2) Kupac je obavezan dostaviti pisano obavještenje o svakom utvrđenom propustu Prodavca u izvršenju ugovornih obaveza.
- (3) Kupac će utvrditi razuman rok za otklanjanje uočenih propusta Prodavca u pogledu izvršene isporuke.
- (4) U slučaju primjedbi Kupca na kvalitet i količinu isporučene robe, Kupac može djelimično ili u cijelosti raskinuti Ugovor i prije isteka njegovog važenja, uz prethodno izmirenje svih dospjelih obaveza utvrđenih po osnovu ovog Ugovora.

Član 6.

- (1) Prodavac se obavezuje da će robu fakturisati u ugovorenim rokovima, na osnovu otpremnih dokumenata (otpremnicu i sl.) potvrđenih od strane Kupca o preuzimanju robe, te da će izdati i predati fakturu na dan preuzimanja robe.
- (2) Prodavac se obavezuje na nepromjenjivost ponuđenih cijena tokom cijelog ugovorenog perioda.
- (3) Kupac se obavezuje da će plaćanje fakture za isporučenu robu izvršiti putem propisanog platnog naloga, u roku od 15 (petnaest) dana od dana isporuke.

Član 7.

Prodavcu se postavlja uslov da nema pravo da zapošljava, u svrhu izvršenja ovog Ugovora, fizička ili pravna lica koja su učestvovala u pripremi zahtjeva za dostavu ponuda, nadležna za dodjelu ovog Ugovora, najmanje šest mjeseci po zaključenju istog.

Član 8.

Ovaj Ugovor se zaključuje na određeno vrijeme, u trajanju od 12 (dvanaest) mjeseci počev od dana 08.07.2026. godine.

Član 9.

Odredbe ovog Ugovora ne mogu se mijenjati nakon njegovog zaključenja.

Član 10.

Eventualno nastale sporove pri realizaciji ovog Ugovora, ugovorne strane će rješavati mirnim putem, u protivnom, ugovara se nadležnost Suda Bosne i Hercegovine u Sarajevu.

Član 11.

Na osnovu prava i obaveze ugovornih strana, koje nisu regulisane ovim Ugovorom, primjenjivaće se odredbe Zakona o obligacionim odnosima.

Član 12.

Ovaj Ugovor je sačinjen u 4 (četiri) istovjetnih primjeraka, od čega svaka ugovorna strana zadržava po 2 (dva) primjerka.

PRODAVAC

Direktor

Almir Hamzić

Broj: 5059/26

Datum, 07.05.2026



KUPAC

Direktorica

Elvira Habota

Broj: 05-221-16-113-35-6126

Datum, 19.05.2026. godine.

